



Reglament d'indemnisaziun e da spesas dil Club da ballapei Lumnezia per funcziunaris e trenaders dall'uniun

1. Determinaziuns generalas

1.1 Valeivladad

Indemnisaziuns e spesas vegnan indemnisadas sulettamein sin fundament da quest reglament. Il reglament vala per tuts funcziunaris, trenaders, commembers e personas cun ina funcziun enteifer il Club da ballapei Lumnezia e sa vegnir adattaus entras la suprastonza mintgamai all'entschatta dalla sesiun.

1.2 Princip

La lavur en favur dil Club da ballapei Lumnezia succeda da princip sin basa gratuita.

1.3 Cumpras

Senza consentiment dalla suprastonza astga ei buca vegnir cumprau rauba ni survetschs. Restituziuns suondan mo sch'ils mussaments correspondentes (quens ni quittanzas) san vegnir presentai.

1.4 Pagament

Tuttas indemnisaziuns e spesas vegnan pagadas ora alla fin dalla sesiun.

2. Suprastonza

2.1 Spesas pauschalas

Ils commembers dalla suprastonza obtegnan in'indemnisaziun pauschala da 300 francs per sesiun. Cun questa pauschala einuttas spesas ordinarias curcladas.

2.2 Contribuziun annuala

Ils commembers dalla suprastonza ein deliberai da pagar la contribuziun annuala (tenor il reglament da contribuziuns per commembers dil Club da ballapei Lumnezia).

2.3 Ulteriuras spesas

Expensas extraordinarias ni spesas per participaziuns a sesidas, gruppas da lavur etc. san vegnir fatgas valer cun presentar ils mussaments correspondentes.

3. Equipas

3.1 Taxas

Taxas per participaziuns a turniers, per camps da trenament, per giugs da preparaziun ni per infrastrukturas externas surprenda la cassa dall'uniun tenor convegnientscha cun la suprastonza.

3.2 Lavar monduras

Ils trenaders ein responsabels per l'organisaziun en connex cun lavar las monduras da giug. Suandontas pauschalas vegnan indemnisadas alla fin dalla sesiun per equipa (cassa d'equipa):

activs, εμπrem'equipa	500 francs
activs, secund'equipa	500 francs

Vegnan las monduras da giug lavadas d'ina persuna externa munta l'indemnisaziun 25 francs per gada. L'indemnisaziun vegn pagada ora sin fundament d'ina survesta detagliada, la quala sto vegnir inoltrada alla suprastanza.

3.3 Castigs

Eventuals castitgs digl OFV ni SFV caschunai dils giugadurs ston vegnir purtai da tals.

4. Trenaders

Las indemnisaziuns da trenaders valan mintgamai per ina sesiun. Ils cuosts per la scolaziun da trenader e per cuors da repetiziun surprena la cassa dall'uniun tenor convegnientscha cun la suprastanza.

4.1 Indemnisaziun trenaders equipas activas

Ils cau-trenaders dallas equipas activas obtegnan suandontas indemnisaziuns per sesiun:

cau-trenader εμπrem'equipa	1'000 francs
cau-trenader secund'equipa	1'000 francs

Ils cau-trenaders ein responsabels da fixar ina clav d'indemnisaziun per ils trenaders gidonters. Quell'indemnisaziun succeda ord la pauschala per sesiun dil cau-trenader.

4.2 Indemnisaziun trenaders da juniors

Ils cau-trenaders da juniors obtegnan suandontas indemnisaziuns per sesiun:

cau-trenader juniors A, B, C, D	ils trenaders ch'ein activs tier in'equipa dall'IG vegnan indemnisai entras l'Uniun Sportiva Schluain Ilanz (tenor convegnientscha)
cau-trenader juniors E	300 francs
cau-trenader juniors F	300 francs
cau-trenader juniors G	100 francs

Ils cau-trenaders ein responsabels da fixar ina clav d'indemnisaziun per ils trenaders gidonters. Quell'indemnisaziun succeda ord la pauschala per sesiun dil cau-trenader.

4.3 Spesas

Spesas per cuosts d'arbiters etc. vegnan restituidas sin fundament dallas quittanzas.

4.4 Castigs

Eventuals castitgs digl OFV ni SFV caschunai dils trenaders ston vegnir purtai da tals.

4.5 Giuventetgna e sport (g+s)

Ils daners da giuventetgna e sport (g+s) vegnan repartgi sco suonda:

indemnisaziun totala	100 %
cumpart cassa dall'uniun per l'adminisatraziun	20 %
cumpart trenaders annunziai	80 %

5. Arbiters

Tuts arbiters dil Club da ballapei Lumnezia obtegnan in'indemnisaziun da 1'500 francs per sesiun. Supplementarmein vegnan ils cuosts per il cuors d'arbiters, per cuors da repetiziun, per la tenuta, per calzers e per ulteriur material surpri tenor convegnientscha cun la suprastanza e sin fundament dallas quittanzas.

Eventuals castitgs digl OFV ni SFV caschunai dils arbiters ston vegnir purtai da tals.

6. Menaschi da giug e general

6.1 Menaschi da giug

Las lavurs en connex cul menaschi da giug vegnan indemnisadas sco suonda:

pedel plazs da ballapei	6'000 francs per sesiun
coach g+s	100 francs per sesiun
responsabel pagina d'internet	100 francs per sesiun
gidonters kiosk	100 francs per sesiun (en fuorma d'in present)

6.2 Cuosts per viadis

Cuosts per viadis tier ils giugs ordeifer vegnan surpri dils trenaders e giugadurs. Spesas d'auto per auters viadis (1 franc per kilometer) san vegnir fatgas valer cun suandonas indicaziuns: partenza / destinaziun / diember da kilometers / datum / motiv dil viadi.

6.3 Ulteriurs indemnisaziuns

Davart ulteriuras indemnisaziuns ch'ein buca numnadas explicit en quest reglament decida la suprastanza.

Quest reglament ei vegnius approbaus a caschun dalla sesida dils 26 d'october 2013 ed entra en vigur retroactiv igl 1. da zercladur 2013.

Vella, ils 26 d'october 2013

Suprastanza Club da ballapei Lumnezia

Il president:
Gion Marc Collenberg

Igl actuar:
Silvan Caduff